




珍執宦遺書

帙册  
二 尚書今古文攷証  
一 毛詩攷証  
第七 毛詩周頌口義



082.6  
So613t  
W








082.6
So613t
7



国立国会図書館 タイトル『珍執宦遺書』 請求記号 082.6-So613t

ガラス使用








尚書今古  
攷證

道光丙申年栞





082.6So613t



尚書今古文攷證卷一

武進莊述祖葆瑛著

虞夏書

堯典

曰昧谷

三國志虞翻傳注古大篆卯字讀當為柳古柳卯同  
字而以爲昧此翻奏鄭氏解尚書違失之一也按說  
文卯為古文酉字卯為春門萬物以出酉為秋門萬  
物以入故秋曰卯谷伏生書借柳化卯如字讀之今  
文之誤漆書本化卯鄭氏誤以為卯而讀昧翻又從

尚書文登卷一

56041

56041





今文以改古文今從古文正化耶

共工方鳩僝功

說文逮歛聚也虞書曰旁逮辱功

慎徽五典五典克從

史記堯本紀作乃使舜慎和五典五典能從以下述堯歷試舜之事馬鄭王本亦爲堯典文是今文古文皆合爲一篇也偽孔氏分慎徽五典以下爲舜典姚方輿又增益曰若稽古云云亂經欺世甚矣

舜讓于德弗嗣

史記弗嗣化不憚集解徐廣曰今文尚書化不怡怡

憚也是史記以憚訓怡太史公自序云唐堯遜位虞舜不台典引云有于德不台淵穆之讓皆化台是今文尚書化台不心也文選典引注引書化嗣又引漢書音義昭曰古文台爲嗣後漢書班固傳注前書曰舜讓于德不台音義曰台讀曰嗣按古文嗣从台故借台爲嗣今本漢書王莽傳引書曰舜讓于德不嗣蓋後人所改是古今文皆化台今文讀怡古文讀嗣也

受終于文祖

史記作舜受終于文祖文祖者堯太祖也於是帝堯



老命舜攝行天子之政以觀天命

讓子稷契暨皋陶

說文泉衆詞與也虞書曰泉皋陶

僉曰益哉

正義馬鄭王本皆爲禹曰益哉化禹是

汝化朕虞

漢書王莽傳朕虞化予虞按說文併送也从人并聲  
古文以爲訓字當爲訓虞言訓庶虞之官也漢時不  
識古文誤以併爲辨王莽又易辨爲予也古文虞字  
化𠄎卽小篆𠄎字轉寫化𠄎形近火孟子舜使益掌

虞誤爲掌火益烈山澤而焚之謂表列山澤而藩籬  
之也今列誤烈樊誤樊本義遂乘象有齒以焚其身  
宋本北堂書鈔焚化樊可證

教胄子

說文育養子使化善也虞書曰教育子

夔曰於予擊石拊石

釋文於如字或音烏而絕句者非陸說非也尚書於  
皆讀烏烏於本一字六書之學唐初已不講可怪也

皇陶謨

曰若稽古皇陶



鄭康成曰臯陶下屬爲句

允迪厥德

史記夏本紀化信其道德是今文當爲允厥迪德

亦言其人有德

史記無人字

予未有知思曰贊贊襄哉

傳疏皆知思絕讀鄭同曰如字

益稷

蒸民乃粒

史記化衆民乃定按古文應作蒸民乃立故訓爲定

後漢書郎顛傳注立猶定也是立有定訓之證

其弼直惟動不應後志以昭受上帝

史記弼直化輔德說文德訓升惠从直从心故東晉  
古文化直今文蓋化惠按禹重在君德言允德之人  
皆所以輔成君德然後動則天下大應之帝又歎息  
而求助於臣鄰也史記云清意以昭待上帝命後亦  
訓待是今文後志二字屬下句讀直當化德惟動不  
應句

子欲聞六律五聲八音

鄭注尚書大傳引化同六律五聲八音



帝不時敷同日奏罔功

帝不時敷句

無若丹朱傲

史記毋若上有帝曰二字

娶于塗山辛壬癸甲

史記娶于佗子娶子娶上有禹曰二字辛壬誤在娶

塗山上佗子取是

弼成五服

說文邶輔信也虞書曰邶成五服

禹貢

隨山刊木

說文梁槎識也夏書曰隨山梁木讀若刊

島夷皮服

史記島佗鳥鄭曰鳥夷東北之民賦食鳥獸者正義  
佗東方之民搏食鳥獸者也又曰孔讀鳥為島是正  
義本亦佗鳥也

厥賦貞作十有三載乃同

史記集解鄭曰貞正也治此州正佗不休十三季乃  
有賦與八州同言功難也其賦下下是鄭讀貞佗十  
有三載乃同也



澠淄其道

漢書地理志泰山萊蕪原山淄水所出東至博昌入  
泲幽州篇說文無淄字經典借菑或借苗鍾鼎古文  
从畀省从聃聃亦聲从畀者地以水為界也

厥土赤埴墳草木漸包

釋文埴鄭作散徐鄭王皆讀曰熾又曰漸本又作蕪  
字林才冉反說文蕪艸相蕪苞也書曰艸木蕪苞

浮于淮泗達于河

說文水部澠澠水在山陽胡陵禹貢浮于淮泗達  
于澠

沿于江海

釋文沿鄭本作松松當為沿馬本作均云均平史記  
作均集解引鄭注均讀曰沿沿順水行也傳本作沿  
從鄭讀改猶卯谷之化昧谷耳史記從今文作均馬  
融注同松蓋漆書古文假借字誤讀松也

三邦底貢厥名包匭菁茅

正義鄭以厥名下屬包匭菁茅

榮波既豬

釋文榮波馬本作播榮播澤名正義馬鄭王本皆作  
榮波





和夷底績

釋文鄭云和讀曰洹史記他和集解馬融曰和夷地名水經注引洹他桓按說文洹水在齊魯間他桓是咸則三壤成賦中邦錫土姓

成賦屬上句讀中邦錫土姓句

祇台德先不距朕行

台讀嗣朕當他佚古文訓字皆見上

甘誓

天用勦絕其命

說文勦絕也夏書曰天用勦絕其命

今予惟恭行天之罰

墨子明鬼篇引此恭作共下恭命同史記並作共左不攻于左汝不恭命右不攻于右汝不恭命墨子引此攻並作共



尚書今古文攷證卷一

武進莊述祖葆琛著

尚書

湯誓

王曰格爾眾庶悉聽朕言非台小子敢行稱亂有夏多  
罪天命殛之今爾有眾汝曰我后不恤我眾舍我穡事  
而割正夏

史記殷本紀有夏多罪化今夏多罪至而割正在不  
敢不正下無夏字衍格汝眾庶四字有夏下衍多罪  
二字校書者以今文妄增入也史記割正化割政江





聲曰割正下夏字衍偽孔傳云正政也言奪民農功而爲割剥之政是其本亦無夏字按夏字當在敢行稱亂有下

予惟聞汝衆言夏氏有罪

汝衆絕句言字屬下讀

今汝其曰夏罪其如台夏王率遏衆力率割夏邑

今汝其曰史記無今字按今字當在夏多罪上夏罪其如台史記他有罪其奈何率割夏邑他率奪夏國或古今文之異

爾尚輔予一人

史記輔化及今文或作暨般庚曰暨予一人

予其大賚汝

史記賚他理今文或作釐釐賚古通是今文讀釐故訓理也鄭注賚賜也見史記集解知古文讀賚

附錄攷定湯誓一篇

王曰格爾衆庶悉聽朕言匪台小子敢行稱亂有夏句

予惟聞女衆句言夏氏有罪古文今文皆當作舉予畏上帝不敢

不正聿求元聖與之戮力同心以治天下墨子尚賢篇引湯誓予

一人有孽無以萬夫萬夫有孽在予一人周語內史過引湯誓今

夏多罪天命殛之今爾有衆女曰我后不恤我衆舍我





齊事而割政

句

女其曰夏罪其如台

台何聲之轉

夏王率遏

衆力率割夏邑有衆率怠弗協曰時日曷喪予及女偕  
亾夏德若茲今朕必往爾尚暨予一人致天之罰予其  
大賚女爾無不信朕不食言爾不從誓言予則奴戮女  
罔有攸赦

史記所載湯誓與東晉古文前後錯互以文義求之  
史記近是惟予畏上帝不敢不正下云今夏多罪天  
命殛之辭似複重故東晉古文移改夏予惟聞以下  
二十字在而割正下女其曰上以正今文錯簡不知  
湯誓本有闕文非錯簡也今從史記本衍來女二字

多罪二字校正東晉古文錯簡從墨子尚賢篇補闕  
文十四字從周語補闕文十七字共一百七十五字  
爲成學治古文者攷正焉

盤庚上

漢石經盤庚般盤庚三篇高宗彤日高宗之訓皆作  
於崩後太史公書真古文說也

率籲衆感出矢言曰

說文籲呼也商書曰率籲衆戚是古今文衆戚絕句  
不從者二篇中以民與衆爲告羣臣告庶民之別故  
特著之出當爲歔說文吐歔無慙一曰無腸意讀若



中戚出猶咄咄不憂事貌言衆皆無遷意也故般庚  
順陽甲命誓之卽中篇所謂予若顛懷茲新邑也率  
顛句衆感出句矢言曰句

若顛木之有由葉

說文木部獻字注云伐木餘也从木獻聲商書曰若  
顛木之有粵獻弓部粵字注云木生條也从弓由聲  
商書曰若顛木之有粵栝

盤庚敷于民

說文敷覺悟也篆省化學學可讀戶教反不必从攴  
然後訓教也此敷當如字讀盤庚舊勞于外如武丁

之自河祖毫聳其德至於神明故曰學于民

王播告之修

說文譎敷也商書曰王譎告之

今汝聒聒

說文愆善自用之意也商書曰今汝愆愆

予若觀火予亦拙謀作乃逸

周禮司燿注燿讀如予若觀火之觀今燕俗名湯熱  
爲觀則燿火謂熱火與史記封禪書燿火作權火燿  
權古通借字說文燿火光也商書曰予亦拙謀讀若  
巧拙之拙尚書後案据類篇作火不光是古今文皆



謀字絕句今讀予亦拙句謀字屬下讀

不乃敢大言

丕當佗不

汝悔身何及

漢石經佗命何及

相時儉民

漢石經儉佗散說文佗恐疾利口也从心从冊書曰  
相時恐民小徐本佗冊聲是恐从刪省聲讀若散與  
儉異也

恐沈于衆

沈當佗忱詳下以忱動予一人

則惟爾衆自佗弗靖

唐石經佗汝衆宋本同

人惟求舊器非求舊惟新

漢石經佗人惟舊無求字器非求舊之求佗救

茲予大亨于先王爾祖其從與享之

韓詩外傳引佗茲予享于先王爾祖其從享之

汝無侮老成人無弱孤有幼

漢石經佗女毋翁侮成人毋流

邦之臧惟汝衆邦之不臧惟予一人有佚罰



周語引他國之臧則維女衆國之不臧則維余一人  
是有逸罰

度乃口

漢石經化度爾口

盤庚中

乃話民之弗率誕告用亶其有衆咸造勿褻在王庭

亶當爲擅勿當爲物周禮司常通帛爲擅雜帛爲物

注通帛爲大赤從周正色雜帛以帛素飾其側白殷

之正色巾車王建大赤以朝建大白以即戎殷朝或

建大白也造當爲造副也皆假借字藝讀曾我誓御

之誓王廷外朝咸造物絕句誓在王庭句

明聽朕言無荒失朕命

朕言之朕當化佚古訓字朕命之朕如字失當爲矢

無荒句矢朕命句

罔不惟民之承保后胥感鮮以不浮于天時

漢石經化后胥高鮮江聲讀保字絕句保安也言前

后無不永安其民也胥相也高或爲感今文爲高當

久高小山別大山曰鮮鮮字屬上讀言前后相度高

山之處而徙居之下篇所謂適于山也浮禍也言不

禍於天時也句讀精確古今文義皆可通當讀承保



絕句后冠懸鮮句

殷降文唐先奉末懷

殷當爲懸說文懸痛也懷回也不懷言往而不回也  
猶云殂落

汝曷弗念我古后之聞承汝俾汝惟喜康共

弗念絕句我曰后之聞承汝句俾汝屬下句讀

今予將試以汝遷

漢石經作以爾遷

汝不憂朕心之攸困

漢石經作今女不今本脫

欽念以忱動予一人

欽當爲厥以忱動之忱當作枕說文枕淡擊也讀若  
告言不正曰枕古文借厥爲歆歆貪也言貪念以不

正之言搖動上心

不其或稽自怒曷瘳

漢石經作不其或迪自怨當讀自怨絕句

汝誕勸憂

漢石經作女永勸憂

予豈汝感用奉畜汝眾

衆行或或古文作泉屬下讀用奉畜汝句



予丕克羞爾

漢石經作予不克克字以下闕作不克是

高后丕乃崇降罪疾

漢石經作丕乃知降罪疾作不乃是

曷不暨朕幼孫有比故有爽德

幼孫絕句有比故句

汝罔能迪古我先后既勞乃祖乃父

女罔能下脫或爲任字今文脫亂在父字上迪迺字

形相近而誤迪字屬下讀女罔能任句迪古我先后

句既勞乃祖父句

汝有戕則在乃心

漢石經作女有近則在乃心

乃祖乃父丕乃告我高后曰作丕刑于朕孫迺高后丕

乃崇降弗祥

唐石經乃祖乃父作乃祖先父宋本同于朕孫作于

朕子孫漢石經崇降弗祥作興降丕永乃父之乃當

從石經作先朕孫當作朕子孫丕俱當作丕

嗚呼今予告汝不易永敬大恤

漢石經嗚呼作於戲敬當讀儆戒也

汝分猷念以相從各設中于乃心



漢石經化文比猶念以相從各翕中下闕

我乃剽殄滅之無遺育無俾易種于茲新邑

左傳引化其有顛越不共則剽殄無遺育無俾易種

于茲邑据此則書本無滅之二字說書者以釋上剽

殄東晉古文誤合之耳滅之二字當衍

盤庚下

無戲怠懋建大命

漢石經無戲怠化女罔台民懋化勛江聲云台當爲

給今讀女罔無怠句民勛建大命句

今予其敷心腹腎腸歷告爾百姓于朕志

漢石經今予化今我困學紀聞云大傳引般庚若德

明哉湯任父言卑應言皆古文所無按若德明哉四

字當在今我其敷下餘無攷正義夏侯等書心腹腎

腸曰憂取陽三國志管寧傳注今文尚書曰優賢揚

歷謂揚其所歷試文選三都賦注亦引尚書般庚曰


優賢揚歷歷試也鄭注雖無攷然可知今文爲優賢

揚古文爲心腹腎腸無疑也今從今文讀今我其敷

若德句明哉句優賢揚歷句

協比讒言予一人

言卑應言四字或在予一人下卑俾通下言字或古





字異文協比讒言句子一人言句俾應言句

古我先王

古字衍

嘉績于朕邦

漢石經嘉績作綏績

爾謂朕曷震動萬民以遷

漢石經爾謂作今爾惠震作祇

肆予冲人非廢厥謀甲由靈各非敢違卜用宏茲賁

古文叔字从人从弟作弟經典不弟多係不淑之譌

莊子倣詭亦譌甲詭此甲當為叔亦倣之假借釋詁

倣始也毛詩四月傳廢怵也由用靈善也各為格之

假借正也賁讀為奔言非以謀始獨斷自侈大詢謀

於眾善則用之非則正之卜用之云必不敢違以宏

此大選也非廢厥謀第句由靈格非句敢違卜用句

宏茲賁句

尚皆隱哉

漢石經隱作藥

予其懋簡相爾念敬我眾

漢石經懋作勛念當讀諭告也敬當為倣

敢恭生生





恭今文皆佗共敢共如字讀

翰人謀人之保居叙欽

欽當爲厥興也謂興賢興能也卽今文所謂優賢揚  
歷是也

今我旣羞告爾于朕志若否罔有弗欽

告爾絕句于朕志若否句欽如字

高宗彤日

惟先格王正厥事

史記祖已曰王勿憂先修政事漢書五行志孔光傳  
皆佗惟先假王正厥事孔光傳又云言異變之來起

事有不正也臣聞師曰天右與王者故災異數見以  
譴告之欲其改更若不畏懼有以塞除而輕忽簡誣  
則凶罰加焉其至可必光父霸及光皆傳大夏侯尚  
書是今文作假也按假當讀假此與逸書嘉禾篇假  
王蒞政勤和天下皆假王之辭也

惟天監下民

史記無民字是

非天天民民中絕命

史記民字不重

天旣孚命正厥德



史記佗天既附命孔光傳佗天既付命正厥德言正  
德以順天也佗付是石經同

王司敬民罔非天允典祀無豐于昵

史記司佗嗣允訓繼典訓常豐佗禮昵訓棄道司應  
從史記讀嗣是

西伯戡黎

西伯既戡黎

說文戡殺也商書曰西伯既戡黎又黎佗鬻殷諸侯  
國在上黨東北商書西伯戡黎大傳佗者史記佗飢  
一佗阢按字書當从邑佗尔

榕人元龜罔敢知吉

史記格佗假潛夫論卜列篇佗假爾元龜集解徐廣  
曰元一佗卜

惟王淫戲用自絕

史記戲佗虐按集解引鄭下注云王暴虐於民使不  
得安食是古文亦佗虐戲讀虐是

不虞天性

史記佗不虞知天性按鄭注云逆亂陰陽不度天性  
是古文無知字

大命不孳



唐石經命不二字間旁注一胡字字跡與全文小異

微子

殷其弗或亂正四方

史記宋世家弗或訓不有

我用沈酗于酒

釋文酗說文化酌云酒營雍熙本化醉營也史記云

紂沈湎於酒婦人

小民方興

史記方訓並

今殷其淪喪

史記作典喪是今文淪作倫以下文商其淪喪例之  
作倫以聲近而誤也

我其發出狂

史記狂作往鄭注發起也紂禍敗如此我其起作出  
往也是漆書古文亦作往狂作往是

吾家耄遜于荒

史記云吾家保于喪集解徐廣曰一云於是家保是  
今文遜作保無耄字正義引鄭注耄昏亂也是鄭讀  
保爲耄東晉古文改保爲遜又從鄭作耄故曲之說  
其義更支耄作保是



今爾無指告予顛隳若之何其

史記作今女無故告指訓故集解告絕句今讀今爾無指告予句顛隳屬下句讀

天毒降災荒殷邦方興沈酗于酒

史記毒作篤荒訓亡江聲云方興沈酗于酒六字衍接當在以容將食下文有脫亂也

今殷民乃攘竊神祇之犧牲牲用以容將食無災降監殷民用又讎斂召敵讎不怠罪合于一多瘠罔詔

史記攘竊作陋淫一下有侵字孔傳牲用句將當讀壽說文壽煮也从鬲羊聲史記封禪書作賜莊子作

饗鍾鼎作饗古今字異今讀牲用絕句以容壽食句言以祭祀之牲飾尋常亨煮之食也無災當作天災古無化无字相近而誤天災屬下讀用又句讎斂召敵句讎不怠句天災降監殷民用又言天之下災於殷邦固下視殷民用悔臯自治也讎斂召敵讎不怠言讎民之事聚於上致民與上為敵是有以召之而上讎民之事猶復日甚不懈怠臯叢於一人脊脊大亂告不勝告况告者必以終不得治乎瘠讀脊莊子音義脊音籍在亦反

詔王子出迪我舊云刻子



尚書攷證卷二  
舊當爲咎刻當爲亥釋詁云迪化也言咎之化在亥  
子之辰也史記叙微子謀去在武王觀兵之後是時  
紂惡已稔八百諸侯皆曰可伐武王曰爾未知天命  
未可也乃復歸文王繫易曰明夷于南狩得其大首  
傳曰南狩之志乃大得也謂伐紂也又曰亥子之明  
夷利貞傳曰亥子之貞明不可息也是文王武王箕  
子皆知周黜殷命之數在癸亥甲子之期箕子通作  
亥子見漢  
書儒國語載伶州鳩之言即箕子所稱迪我舊云非  
林傳小數也論衡本性篇云我舊云孩子以爲紂爲孩子  
之時是今文讀孩古文讀刻字本化亥各以意說故

有異也詔王子出句迪我舊云亥子句  
我不顧行邈  
不當作不



尚書今古文攷證卷二

武進莊述祖葆琰著

周書

牧誓

昏棄厥肆祀弗答

史記周本紀作自棄其先祖肆祀不答鄭曰肆祭名  
答問也

昏棄厥遺王父母弟不迪

史記作昏棄其家國遺其王父母弟不用是昏棄厥  
下及遺字下皆有闕文也漢石經作厥遺任父母弟





則今文亦闕未知孰是但石經作任是古文讀王今  
文讀任也鄭注大誓亦作王父母弟云王父母弟祖  
父母之族必言母弟舉親者言之也按今文言任父  
者任保也保父即父師少師也母弟兼母兄言之謂  
微子微仲呂氏春秋以爲皆紂之同母兄也  
弗迓克奔以役西土

釋文迓馬作禦史記集解鄭曰禦彊禦謂彊暴也克  
殺也不得暴殺紂師之犇走者當以爲周之役也

洪範

惟十有二祀王訪于箕子

武王即位之十一年克殷立武庚以續殷祀釋箕子  
囚箕子不忍見殷之亡走之朝鮮武王封之而不臣  
其後二季紂喪畢于是箕子朝周武王因其朝而問  
鴻範商曰祀周曰季此周書稱祀用商正也  
鯀陘洪水汨陳其五行

漢石經陘作伊洪作鴻汨作曰

敬用五事

漢書五行志作羞用五事

威用六極

史記五行志皆作畏用六極



尚書考證卷三  
明作哲

五行志哲作哲史記訓智正義云哲字王肅及漢書  
五行志皆云哲智也鄭本作哲則讀爲哲

五皇極皇建其有極

洪範五行傳作建用王極下王之不極是謂不建同  
鄭氏注王極或皆爲皇極漢書五行志作皇極傳曰  
皇君也按諸本皆有一誤皇極當作皇王建其有極  
當作王卽下文王極之敷言是也五行傳建用皇極  
當作皇王之不極當作王與王建其有極同也  
不罹于咎

史記宋世家罹作離

而康而色曰予攸好德

卽詩所云予懷明德不大聲以色也

時人斯其惟王之極

正義此經或言時人德鄭王諸本皆無德字此傳不  
以德爲義定本無德疑衍字也按文義宜有德字諸  
本脫時人德句

無虐瑩獨而畏高明

史記作毋侮鰥寡釋文馬本作亾侮又云畏鄭音威  
人之有能有爲使羞其行



潛夫論思賢篇引佗使循其行按循字當爲修字之  
誤

于其無好德

史記佗于其毋好無德字正義云無好對有好又云  
傳以好德言之定本作無惡疑誤耳明正義本經無  
德字傳以無好德之人解之也鄭意亦以無好對有  
好故承上義解之以爲無好于女家之人非以女字  
屬上讀也當從史記無德字好與咎叶若讀女字絕  
句則末句無韻矣定本亦無德字但好誤作惡蓋後  
人述傳文增入德字宐改正于其無好句德字衍

無偏無陂遵王之義

漢石經及尚書舊本皆作無頗匡謬正俗引佗無偏  
無陂遵王之誼此條殊欠明晰議有宜音或有疑問  
誼本从宜本是宜音不必辨也况陂字唐開元時始  
改而顏師古已作陂尤不可解文苑英華唐明皇詔  
佗遵王之義惠棟九經古義引此詔改作誼不可爲  
據推此可知匡謬正俗作誼議亦惠氏在齷使署刊  
書時所改更不足據也高誘呂氏春秋貴公篇注義  
法也誼無法訓高自讀儀不必改作誼襲顏書之謬  
蓋顏書亦係後人妄改非本書然也



無有佗好

呂氏春秋引佗無或佗好下同

皇極之敷言是彝是訓于帝其訓

史記佗王極之傳言馬融云王者當盡極行之使臣

下布陳其言是漆書亦佗王也其訓佗其順下是訓

同或史記解訓爲順也

其善于而家凶于而國

漢石經凶于而國句上有而字

人用側頗僻

漢石經僻佗僻

曰雨曰霽曰蒙曰驛曰克

史記佗曰雨曰濟曰涕曰霧曰克周禮大卜注佗曰

雨曰濟曰圍曰蝨曰尅詩齊子豈弟箋云古文尚書

以弟爲圍正義云古文尚書卽今鄭注尚書是也無

以悌爲圍之字唯洪範稽疑論卜地有五曰圍注云

圍者色澤光明蓋古文佗悌今文佗圍賈逵以今文

校之定以爲圍故鄭依賈氏所奏從定爲圍於古文

則爲悌故云古文尚書以悌爲圍說文圍回行也尚

書曰圍圍升雲半有半無讀若驛史記從孔安國所

受古文佗涕東晉古文佗驛卽今文圍字假借則彼



參用古今文及西晉以前諸家注其從鄭破讀者尤  
多亦不可不攷也蒙當作圍驛當作蝨

凡七卜五占用二衍忒

鄭讀卜五占之用句二衍貞句見史記集解今從之  
謀及乃心

史記作謀及女心

謀及庶人

漢石經作謀及庶民

身其康彊子孫其逢吉

史記作而身其康彊而子孫其逢吉

曰燠

史記燠作奧下同

曰時五者來備

惠棟曰後漢書荀爽傳云五韙咸備注韙是也李雲  
傳云五是來備經文曰時五者來備時是也言是五  
者皆備至也孔氏以曰時二字屬上句與漢儒所受  
尚書異讀困學紀聞云洪範五者來備史記云五是  
來備是宋時史記未經舛改然不知五字上有時字  
否惜王伯厚以爲傳習之差不復措意爾時訓是五  
是一字卽時五者二字異文宜讀時五者來備句



曰豫

史記豫作舒釋文豫羊庶反徐又音舒作舒是

曰蒙

史記蒙作霧

王省惟歲

史記省作省

金滕

王有疾弗豫

史記魯世家作不豫說文作不念念喜也羊茹切

我其爲王穆卜

史記穆作繆

公乃自以爲功

史記訓功爲質

惟爾元孫某遭厲虐疾

史記作惟爾元孫王發勤勞阻疾徐廣曰阻一作淹

若爾三王是有不子之責于天

若爾三王是有絕句禮記哀公問注有猶保也言順

爾三王欲保武王之意釋文丕鄭音不史記作負恃

也責與責命于天之責同義或同誕無我責皆可訓

求言爲天之子其責甚大必讀爲債於義反晦



予仁若考

仁愛考壽也公之制禮樂亦天所命仁亦訓存史記考作巧非按當爲壽考之考

乃元孫不若且多材多藝不能事鬼神

不讀丕下同丕若丕能亦見召誥

乃命于帝庭敷佑四方用能定爾子孫于下地四方之民罔不祗畏

此能事鬼神之大者非直多材多藝已也

無墜天之降寶命

史記寶命作葆命

啟籥見書乃并是吉

論衡卜筮篇化公曰乃逢是吉又曰卜曰逢筮曰遇

史記訓爲乃見書遇吉周公入賀武王然則是圖茲

攸俟能念予一人當爲武王之言矣蓋今文讀逢古

文讀并并字是詳說文古籀疏證

公曰體王其罔害予小子新命于三王惟永終是圖茲攸俟能念予一人

周公開籥見書知許所請故言兆體王其無害言新者若再受天命然受先王之命告以天祿永終是圖謂占書龜所告之謀也茲益也周公言歸俟爾命及



見書所示之謀知三王所以命周公者日艱大日益  
若誕保文武受命七年之事亦見占書能任也任命  
予一人言不許周公死惟永終屬上讀是圖茲攸俟  
句

我之弗辟

釋文辟說文作𠄎云必亦反法也馬鄭音避謂避居  
東都史記亦讀避然無辟居東都事史記得之

王亦未敢誚公

史記誚作訓段玉裁以爲古文信見說文作縱从言  
从心隸書心旁作小故訛爲小作誚又訛爲川作訓

也段說是

對曰信噫公命我勿敢言

釋文噫馬本作懿猶億也懿億抑古通用信句抑公  
命我勿敢言句

大誥

漢書翟方進傳王莽依周書作大誥彼文亦古今文  
兼有附載於後

猷大誥爾多邦

漢書猷大誥作大誥道按釋文馬本作大誥繇爾多  
邦鄭王本同今讀大誥猷爾多邦句



弗弔天降割于我家不少延洪惟我幼冲人嗣無疆大  
歷服弗造哲廸民康矧曰其有能格知天命

弗弔皆不淑之訛古文弗弔字相近而誤釋文割馬  
本作害不少馬讀弗少延爲句漢書割作喪洪惟向  
下讀同嗣無疆大歷服作大歷服事是并訓詁入文  
內也造作遭哲作明惹廸作道康作安矧作況格作  
往皆故訓也

已予惟小子若涉淵水予惟往求朕攸濟敷責數前人  
受命茲不忘大功予不敢閉

漢書已作熙師古曰歎辭與孔傳同或古今文皆讀

若嘻許其反漢書予惟作我念正義解洪惟云王肅  
又以惟爲念同下予惟如字又攸濟作所濟度敷責  
作奔走下敷字作傳近云奔走以傳近奉承高皇帝  
所受命予豈敢自比於前人乎師古曰前人謂周公  
非也蓋今文作予不敢誌訓比廣雅云誌比也卽此  
文東晉古文作閉又屬下讀又漢書乎字恐亦向下  
讀或借于作於而讀乎也或傳寫之誤于越古通越  
又作粵書又作日皆通借字宜讀予不敢誌句

于天降威用寧王

漢書作天降威明用寧帝室則于天降威用五字不



屬上爲句明矣于天降威句用寧王句

曰有大艱于西土西土人亦不靜越茲蠢殷

說文蠢古文作𧈧引周書曰我有載于西漢書作有大難于西土靜作靖與東晉古文略同未知說文何本耳漢書越茲蠢作於是動下屬嚴鄉侯信爲句是今文讀殷字絕句矣宜讀越茲蠢殷句

知我國有疵

漢書有疵作有些灾些亦借字

予復反鄙我周邦今蠢

漢書云是天反復右我漢國也此句承上天降威而

言而孔傳則承上殷小腆而言王莽誥蓋用漢時舊

說也鄙無右訓今文鄙作𧈧說文𧈧音也查有愛訓

故以爲右一切經音義引詔定古文官書圖𧈧二形

同達胡反卽古文圖字言天反復圖謀我周邦金縢

曰是圖茲攸俟卽三龜襲吉之告猷也當從今文說

民獻有十夫

大傳作民儀有十夫或古今文之異漢書作民獻儀

九萬夫則二文並用或是詁訓耳

予翼以于救寧武圖功

漢書作予敬以終於此謀繼嗣圖功是今文或異也



越子小子考翼不可征

漢書作於小子煇父敬不可征或今文考絕句然謂

二叔爲考於義難通

予造天役遺大投艱于朕身

漢書造皆作遭投艱作解難

不敢替上帝命

漢書替作僭

天明畏

漢書作天明威

爾不克遠省

漢書丕作不

天闕恣我成功所

漢書闕恣作恣勞

其考我民

漢書作天其累我以民

天亦惟用勤恣我民

漢書作天亦惟勞我民

予曷敢不于前寧人攸受休畢

漢書休畢作休輔

肆予曷敢不越卬救盭王大命



漢書救化撫

若兄考乃有友伐厥子民養其勸弗救

漢書作若祖宗乃有效湯武伐厥子民長其勸弗救

爽邦由哲

漢書作助國道明

矧今天降戾于周邦惟大艱人

降戾絕句于周邦惟大艱句人字屬下讀

康誥

惟二月哉生魄

說文魄作霸古鍾鼎作𠄎易納甲震三日出庚之形

詳說文古籀疏證

乃洪大誥治

正義鄭以洪爲代言周公代成王誥釋詁鴻代也是

鄭本洪作鴻

王若曰孟侯

既曰周公代成王大誥康叔以治道又曰孟侯呼成

王自相矛盾矣此鄭義之決不可從者

朕其弟小子封

其當作近詩往近王舅傳曰近已也箋近辭也聲如

彼記之子之記









已汝惟小子

已當作熙下同

時乃大明服

時是也荀子富國篇引作乃大明服無時字按勿庸  
以次下汝封二字當承時字下是女封正對非女封  
惟民其勅懋和若有疾惟民其畢棄咎

宋本荀子富國篇引勅作力若有疾之若作而楊倞  
注則民勉力爲和調而疾速以明效上之急也而如  
古通

又曰劓刖人無或劓刖人

凡書言又曰者皆重文省也非女封刑人殺人言不  
得以私意刑殺人無或刑人殺人非女封言女之屬  
國及大夫卿士專刑殺人女亦竟罔聞知也下當重  
讀非女封三字非女封劓刖人無或劓刖人非女封  
其義亦然舊以又曰入正文讀之非也下又曰竝同  
又曰要囚服念五六日至于旬時不蔽要囚  
大傳甫刑篇引又曰茲殷罰有倫此不蔽要囚下當  
重讀司師茲殷罰有倫七字正應上非女封四句  
王曰汝陳時臬事罰蔽殷彝用其義刑義殺勿庸以次  
汝封乃汝盡遜曰時叙惟曰未有遜事



荀子致仕篇引作義刑義殺勿庸以卽女惟曰未有  
順事宥坐篇引女作子餘同荀子兩引此經皆云言  
先教也又云已此三者然後刑可卽也其義甚明次  
從荀子作卽女封二字宜承有叙時下罰蔽殷彝用  
句勿庸以卽句曰時叙之曰讀于曰于通乃汝盡遜  
于時叙句遜事當作順事  
乃其速由文王作罰刑茲無赦  
刑字屬上句讀茲無赦句  
弗念弗庸厥厥君

念當爲諗諗念古通毛詩傳諗念也箋告也說文諗

淡諫也弗念句弗庸厥厥君句

汝乃其速由茲義率殺

顏氏家訓書證云率有律音義率謂以起義法非定  
爲常法也周官所謂以八辟麗邦法附刑罰者也凡  
言義者皆當議之故曰其義刑義殺勿庸以卽

汝亦罔不克敬典乃由裕民惟文王之敬忌乃裕民曰  
我惟有及則予一人以懌

荀子君道篇引作惟文王敬忌一人以播其說云明  
主急得其人而闇主急得其勢又云故君人者勞於  
索之而休於使之是憊乃播字之誤所謂勞於索之





也說苑君道篇亦引惟文王之敬忌以證虞芮質成  
之事按鍾鼎古文擗作甯羊益反與憐音同說文無  
憐字凡憐本皆作斲陳鄂改憐斲當訓終荀子作擗  
蓋涉呂刑文誤耳今不從由斲通由裕絕句民句敬  
忌句乃裕句子當作于或如字予一人謂王卽梓材  
所云用斲先王受命也

今惟民不靜未戾厥心廼屢未同

未戾絕句厥心二字屬下句讀

不則敏德用康乃心顧乃德遠乃猷裕乃以民寧不汝  
瑕玼

不則敏德用康句乃心句顧乃德遠句乃猷裕句瑕  
玼通遠也玼絕也言其德雖遠而不絕也  
勿替敬典聽朕告汝乃以殷民世享

唐石經告作誥古通勿替句敬典聽朕告句女字屬

下讀

酒誥

王若曰

釋文馬鄭本作成王若曰按康誥酒誥梓材皆周公  
鴻誥之文作於一時以爲成王親之者非也前篇書  
周公此篇書成王皆聖人特筆



我民迪小子惟土物愛厥心臧

我民迪句小子屬下句讀

妹土嗣爾股肱純其藝黍稷奔走事厥考厥長

妹土嗣句妹邦之嗣君也爾股肱純句言其臣下皆

純一也藝黍稷事父兄欲以周道化之也

肇牽車牛遠服賈用孝養厥父母

白虎通商賈篇引此遠服賈用絕句孝養下有欽字是

在昔殷先哲王迪畏天顯小民經德秉哲自成湯

迪字屬上讀畏天句顯小民經德句秉哲自成湯句

越在外服侯甸男衛邦伯越在內服百僚庶尹惟亞惟

張宗工

白虎通爵篇引作侯甸任衛作國伯按傳以惟服宗

工句與作邦伯對從之惟亞句惟服宗工句

在今後嗣王酣身厥命罔顯于民祇保越怨不易

厥蹶通言顛覆其命嗣王句厥命句民祇句保字屬

下讀

誕惟厥縱淫伏于非彛用燕喪威儀民罔不盡傷心

誕惟厥縱以下二十字錯簡宜承惟荒腆于酒不惟

自息乃逸下與下弗惟誕惟文義相應也

厥心疾很不克畏歎辜在商邑越殷國滅無罹



厥心疾恨不克句畏死辜句在商邑越殷國句

庶羣自酒

自酒之自古通鼻眉說文眉卧息也从尸自正義自  
定本作自俗本多誤爲嗜

天非虐惟民自速辜

對天言之皆曰民三代之文盡然

我其可不大監撫于時

撫讀爲憮然之撫

圻父薄違

鍾鼎衛从隹省違聲借違作衛薄迨也衛垂也迨守

邊垂司馬職也以衛从違故借違

盡執拘以歸于周

江聲云說文柯搗也周書曰盡執柯徐鍇本作盡執

柯獻獻當爲灑說文灑議皐也从水獻與法同意按

灑爲小篆正書从言尚書古文借臬今文或借獻也

江讀是盡執柯句獻以歸于周句

又惟殷之迪諸臣惟工

迪字絕句

惟我一人弗恤弗蠲乃事時同于殺

乃事卽謂殷之諸臣惟工也弗蠲絕句乃事屬下讀



勿辯乃司民洵于酒

乃司民謂殷民也

梓材

汝若恆越曰我有師師

汝若恆句越我有師師句曰字衍

王啟監厥亂爲民

王鳴盛曰監指諸侯而言啟監猶周官太宰立其監

也傳云監官非是

至于敬寡至于屬婦

敬當作矜讀爲鰥按呂刑哀敬折獄漢書雋疏于薛

平彭傳贊作哀鰥哲獄書大傳引呂刑亦作哀矜哲  
獄是今文敬作矜之證與此同也屬說文作媯婦人  
妊身也周書曰至于媯婦

自古王若茲監罔攸辟

自古王句若茲監句

若作室家既勤垣墉惟其塗墍茨若作梓材既勤樸斲  
惟其塗丹雘

正義云二文皆二敦卽古塗字夏竦古文四聲韻塗  
字下引籀韻他敦是隸古定本塗本作敦東晉校蹟  
傳讀塗至衛包改敦爲塗遂失劉子政父子及杜林



衛宏相傳之舊按斲當如字讀說文斲終也言墜茨  
丹腹所以終垣墉樸斲之事也起下用斲先王受命  
唐韻羊益切

今王惟曰先王既勤用明德懷爲夾庶邦享作兄弟方  
來

毛詩使不挾四方傳挾達也音義子變反一作子協  
反此夾亦當作挾與毛詩同夾挾狹古通懷字屬上  
句讀爲夾庶邦享句王鳴盛曰自此以下乃周公因  
誥康叔而并戒成王之詞與康誥叙首相爲起結實  
二篇之大收束也曰今王曰王謂成王曰先王曰后

謂文王武王也

后式典集庶邦丕享

后式典句集字屬下句讀

肆王惟德用和懌先後迷民用懌先王受命

釋文懌音亦字又作斲下同按說文無懌字凡作懌  
者皆俗字也江聲曰肆今也和斲和說也用斲之斲  
終也言今王惟德之用以和說先後此迷惑之民用  
終先王受命之功也解極精斯爲近古矣

已若茲監

已當讀熙





按康誥酒誥梓材同序多士無逸亦同序故韓非說  
林以毋彝酒爲康誥尚書大傳多士傳有后夫人侍  
于君之禮蓋無逸傳文也


按今文酒誥梓材合爲一篇自惟曰若圭璧以下俄  
空焉劉子政以中古文補其脫簡枚賾所獻卽馬鄭  
漆書杜林得之於西州者也書大傳不見古文故有  
橋梓父子之說知分王曰封以厥庶民以下爲梓材  
始於劉子政校定之後揚子雲法言所云酒誥之篇  
俄空焉者蓋指今文言之也論衡效力篇云梓材曰  
僵人有王開賢厥率化民此言賢人亦壯僵於禮義

故能開賢其率化民化民須禮義禮義須文章云云  
王仲任在劉子政校定以後故知王曰封以厥庶民  
以下爲梓材篇然脫誤尚多不得其解至馬鄭傳杜  
林漆書本與今文迥別故鄭注周官太宰引書作王  
啟監厥亂爲民同隸古定本蓋隸古本多据漆書本  
耳如仲任得見馬鄭所注本安得有此謬解耶





珍執宦遺書 卷三




国立国会図書館 タイトル『珍執宦遺書』 請求記号 082.6-So613t

ガラス使用




CL.  
NO. 41460



国立国会図書館 タイトル『珍執宦遺書』 請求記号 082.6-So613t

ガラス使用





国立国会図書館 タイトル『珍執宦遺書』 請求記号 082.6-So613t

ガラス使用